

TOMREFJORD BARNEHAGE



Vår visjon

«KVART AUGNEBLINK TEL»



midt i blinken

Innhold

OM TOMREFJORD BARNEHAGE	3
KONTAKTINFORMASJON	3
DEN FØRSTE TIDA I BARNEHAGEN	4
BARNEHAGEN SINE FORVENTNINGAR TIL FORELDRE	5
PRAKTISKE OPPLYSNINGAR	6
Appen «Min barnehage».....	6
Dagsrytme	6
Måltid i barnehagen	7
Kva treng barnet i barnehagen.....	7
Sjukdom.....	7
Medisinering og ansvar	8
Rutinar for overgang mellom barnehage og skule.....	8
Levering og henting.....	8
Opphaldstid	9
Kontaktinformasjon til foreldre.....	9
Beredskapsplanar	9
Kjøp av dagar	9
Sommarferie.....	9
Feriar elles	10
Planleggingsdagar.....	10
Fødselsdagar.....	10
Høgtider.....	10
VISJON	10
Pedagogisk grunnsyn.....	10
Foreldresamtalar	11
Foreldremøter	11
Andre samarbeidsorgan	12
TILSYN	13

OM TOMREFJORD BARNEHAGE

Tomrefjord barnehage er ein kommunal barnehage som opna i 1980, nyrenovert i Juni 2012. Barnehagen ligg i naturskjønne omgivningar der skogen strekk seg heilt inn på leikeplassen. Her får barna god boltreplass og variert terreng som byr til variert leik og aktivitet. Området ligg lunt til med gode solforhold og skugge ved behov.

Det er kort veg til idrettshall som vert hyppig nytta. I tillegg har førskulegruppa tilbod om vasstilvenning i svømmehallen. Barnehagen har eit flott uteområde med leikeapparat som inviterer til fysiske utfordringar som passar alle barn. I «skogen» på uteområdet har vi eigen gapahuk med fyringsmoglegheiter. Inne på barnehagens område har me både viltveksande og planta frukt og bær. Det er elles kort veg til både skog og fjøre som gir oss fine turopplevingar.

Tomrefjord barnehage er oppteken av variasjon i innhald og aktivitet gjennom året og barna skal få vere med å medverke i eigen kvardag. Alle skal ikkje gjere alt, men alle gjer mykje! Barna skal få utfolde seg, oppleve meistring og glede seg over det å gå i barnehage.

Barnehagen sine aktivitetar vert planlagt ut frå viktige styringsdokument som rammeplan for barnehage, lov om barnehagar og barnehagen sin eigen årsplan som vert utarbeida kvart år. Aktivitet/innhald kjem fram av eigne planar og dokumentasjon frå den aktuelle avdelinga.

KONTAKTINFORMASJON

Besøksadresse: Liaråket 3, 6393 Tomrefjord

Einingsleiar og styrar: Lise Grønningsæter

E-post: lise.gronningseter@vestnes.kommune.no

Telefon: 952 67 255

Telefon avdeling Marihøna: 907 45 732

Telefon avdeling Blåklokka: 908 15 431

DEN FØRSTE TIDA I BARNEHAGEN

Det å begynne i barnehage kan være ein stor overgang for mange barn. Vi i Tomrefjord barnehage ønskjer å gjere overgangen så god som mogleg i samarbeid med føresette.

Før oppstart:

På våren vil vi invitere dei nye barna til leikegrippe. Dette er eit frivillig lågterskeltilbod. Meir informasjon om tidspunkt i tilbodsbrief.

Ordinær oppstart:

Det kan ta lang tid for eitt barn å bli godt kjend i barnehagen, og det er veldig individuelt kor lang tid det tek. For nokon kan det gå veldig fort, medan andre treng lengre tid. Dei 2-3 første dagane bør foreldra vere til stede og besøka korte. Det er mange nye inntrykk for eit barn, og derfor ønskjer vi at tilvenninga til barnehagen skjer gradvis. Den første tida er av stor betydning for korleis barnet vil trivest vidare. Ei lang og roleg tilvenning saman med ein av foreldra eller ein anna barnet kjenner godt er viktig.

Rammene for dei første dagane er:

- Barnet skal ha korte dagar den første tida
- Barnet skal føle seg trygg når du går
- Du skal være lett å få tak i deg når du ikkje er i barnehagen
- Dykk skal være trygge på at vi ringer dersom vi ser at barnet er utilpass

Det er viktig at de som foreldra viser ei open og positiv haldning, samt oppmuntrar barnet til å delta å ta kontakt. Dette bidreg til at barnet raskare blir trygt og godt kjend med barn og vaksne i barnehagen. Når barnet byrjar å føle seg trygg, kan du trekke deg litt meir ut av avdelinga. Dette avtalar du med avdelinga undervegs. Informer barnet om **at du går, og at du kjem tilbake.**



BARNEHAGEN SINE FORVENTNINGAR TIL FORELDRE

Vi forventar at foreldra:

- Tek initiativ til kontakt med personalet og at de tek opp ting de opplever som vanskeleg eller negativt slik at vi kan finne ei løysing i fellesskap.
- Tek imot, les og føl opp den informasjon som blir gitt i form av vekeplanar, ulike skriv, beskjedar m.m. Spør om de lurer på noko.
- Brukar Visma barnehage appen og held seg fortløpande oppdatert på informasjon.
- Gir beskjed til barnehagen om fråvær så snart ein veit og seinast innan kl 09.15 same dag.
- Viser engasjement i høve barnehagen sitt innhald. Kom gjerne med idear og innspel.
- Deltek på arrangement så langt det er råd. Dette for at barna ikkje skal gå glipp av fellesopplevingar som vert snakka om i barnehagen før og etter arrangement.
- Viser respekt for barnehagen sine reglar ved sjukdom av omsyn til egne og andre sine barn
- Viser respekt for at egne leiker ikkje er tillat i barnehagen. Dette kan være kjelde til at konfliktrar oppstår.
- Tek ansvar for at det ryddig kring barnet sin garderobeplass. Dette er foreldra sitt ansvar. Rydd og sett på plass sko/støvlar m.m. Ta med skitne kle og fyll ev. på med nye.



PRAKTISKE OPPLYSNINGAR

Appen «Min barnehage»

Dette er barnehagen si digitale kommunikasjonsplattform med foreldre/føresette.



I appen kan du enkelt;

- Motta og sende meldingar direkte med barnehagen
- Registrere fråvær frå barnehagen (fri/sjuk/ferie)
- Motta dagbok frå barnehagen om store og små hendingar i form av tekst og bilete
- Få beskjedar (felles for heile barnehagen og for den aktuelle avdelinga) – mellom anna vekeplanar vert sendt ut i appen
- Gje eller avslå samtykke

Appen kan du enkelt laste ned i app-store eller google play. Etter nedlasting loggar du deg inn med ID-porten ved første gongs bruk, vel Vestnes Kommune i oversikta. Ytterlegare informasjon og brukarstøtte kan du finne på visma.no/barnehagesystem/min-barnehage/

Dagsrytme

I barnehagen bygg vi opp dagane våre etter ei viss rytme, for å skape stabilitet og forutsigbarheit for barna. Vi legg med eit døme om korleis dagane primært vil sjå ut, men med atterhald om at ting kan endre seg i løpet av eitt år.

BLÅKLOKKA		MARIHØNA	
Kl. 06.45	Barnehagen opnar Frileik	Kl. 06.45	Barnehagen opnar Frileik
Kl. 08.15	Frukost Tannpuss	Kl. 08.15	Frukost Tannpuss
Kl.09.15	Aktivitatar/gruppedeling leik inne og ute	Kl. 09.15	Aktivitet/ gruppedeling/ leik inne og ute
Kl. 11.00	Lunsj Kviling / soving Inne/ uteleik	Kl. 11.30	Lunsj Inne / uteleik
Kl. 14.00	Fruktmåltid Leik / aktivitet ute / inne	Kl. 14.15	Fruktmåltid Leik / aktivitet ute / inne
Kl. 16.30	Barnehagen stenger	Kl. 16.30	Barnehagen stenger

Soving: Det vert lagt til rette for at dei som skal sove/kvile, får dette når dei har behov for det. Dette vert avtalt i dialog med heimen.

Måltid i barnehagen

Barnehagen serverer alle måltid i barnehagen. Det vert servert brød/ knekkebrød til dei fleste måltid samt varmmat ein gang i veka i tillegg til frukt og grønnsaker kvar dag. Vi er oppteken av å kunne tilby barna eit sunt å variert kosthald og vi har utarbeida vår eigen kosthaldsplan der vi har teke utgangspunkt i retningslinjer for mat og måltid i barnehagen frå helsedirektoratet. Denne finn du på heimesida til Vestnes kommune under Tomrefjord barnehage.

Kva treng barnet i barnehagen

- Innesko kan vere fint å ha med tanke på ergonomi, sklisikring og at barnet held seg varm og tørr på kalde dagar.
- Ekstra skift frå topp til tå som skal ligge i kurva til barnet i garderoben (obs på våte periodar då dei treng fleire skift)
- Varme kle (ull, fleece – været endrar seg raskt)
- Gode kle og sko/støvlar som barnet kan ha på seg ved uteleik. Drøft gjerne med personalet på avdelinga om du er usikker på kva klede som er hensiktsmessige.
- Parkdress, regnkle og støvlar skal ALLTID være i barnehagen
- Drikkeflaske (god å drikke av, som ikkje lek og som er lett å halde rein)
- Tursekk
- Bleiar/våtserviettar til dei som brukar det
- Vogn, sovepose/teppe, myggnetting, regntrekk, vogensele for dei som søv
- Solbriller og solhatt ved sommarvêr (barnehagen kjøper anbefalt solkrem mot eit gebyr på 50,- pr. barnehageår. Det vert sendt ut eigen melding om dette)
- Tannbørste og tannkrem



Merking av kle, sko/støvlar og alt anna utstyr er nødvendig. Det gjer det lettare for både foreldre, personalet og barnet sjølv å halde orden på eigne ting. Ta ikkje med kle og utstyr som dykk er redd for skal bli øydelagt. Det finnes merkelappar dykk kan bestille men det går også fint å bruke merkepenn.

For at barna skal ha det kjekt å oppleve glede over å få være ute, må dei halde seg tørr og varm. Det er derfor særst viktig at dei har hensiktsmessige klede til ein kvar tid.

Vi ser helst at de **ikkje brukar kle med fast hette og snor i barnehagen** pga kvelningsfare og sikkerhetsmessige årsakar.

Sjukdom

Sjuka barn skal naturleg nok ikkje være i barnehagen. Barn som er i barnehagen, skal være friske nok til å være ute og delta i barnehagens aktivitetar.

Det er barnets allmenntilstand som avgjer om barnet kan gå i barnehagen eller bør være heime. Aktivitetsnivået i barnehagen er høgt.

Dersom barnet får ein ekstra dag heime, er sjansen for tilbakefall mindre, og faren for å smitte andre barn og personalet blir redusert.

Barna skal ha minst ein feberfri dag heime før dei kjem tilbake i barnehagen. Ved oppkast og diare føl vi 48 timars reglene, altså barnet skal ikkje kome i barnehagen før det har gått 48 timar etter at det er symptomfri (siste diare/oppkast).

Gi beskjed til avdelinga om morgonen **innan kl.09.15 dersom barnet er sjuk.**

Dersom barnet blir sjuk i barnehagen, vil personalet ringe til foreldra, og barnet må hentast snarast.

Medisinering og ansvar

Foreldra har ansvar for medisinerings av sine barn. Dersom legemiddel må tas i den tida barnet er i barnehagen, skal det føreligge ein skriftleg avtale på fastsett skjema mellom foreldre og barnehagen om korleis dette skal gjerast. Personalet skal ikkje på eigenhand foreta medisinerings med handkjøpspreparat som for eksempel smertestillande eller febernedsettande.

Medisinen skal leverast personalet i barnehagen for forsvarleg oppbevaring og ikkje bli liggande i barna sin sekk eller på plassen til barna.

Rutinar for overgang mellom barnehage og skule

Vi har eit tett samarbeid med Tomrefjord Skule. Ein eigen lokal plan legg føringar for korleis overgangen mellom barnehage og skule skal gjennomførast. Den inneheld blant anna fleire skulebesøk.



I tillegg har vi førskulegruppe for dei som går siste året sitt i barnehagen. Her forbereder vi oss til skulestart gjennom skuleførebuande aktivitetar. Føresette med førskulebarn vil få nærar informasjon om dette arbeidet på første foreldremøte.

Levering og henting



Sei "Hei" når du kjem og "Ha det" når du går.

Når vi er ute om ettermiddagen, er det spesielt viktig at det blir registrert når barn går. **Ønskjer at de oppfordrar barnet dykkar til å rydde før de reiser frå barnehagen.**

Dei aller fleste aktivitetar i barnehagen startar kl. 9.15. Det vil sei at det er fint om barnet er levert til då og at de gir beskjed om det blir forsinka eller ikkje kjem. **Vi går ut frå at barnet ikkje kjem i barnehagen, om vi ikkje har høyrte noko før kl.9.15.**

Dersom andre enn foreldre/føresette skal hente barnet, må de gje beskjed.

LUKK ALLTID PORTEN ETTER DEG! Barn kan lett smette ut. Parkeringsplassen er uoversiktleg om morgonen og ettermiddagen når mange levera og henta samtidig. I den mørke årstida er det vanskeleg å sjå barna bak ryggande bilar. Vi ber om at de ryggar inn på parkeringsplassen

når de parkera. Barna skal alltid gå i følge med foreldra ut av porten og ikkje gå i førevegen for å vente ved eller i bilen.

Minner også om at bilen ikkje har lov å stå å gå på tomgang på parkeringsplassen.

Hentesituasjon er dagens viktigste møte, vennligst legg igjen mobiltelefon i bilen. Det er viktig med tilstedeværelse ved henting og levering. Vis interesse for kva barnet har opplevd i løpet av dagen. Minner også om at barnehagens område skal haldast fritt for både røyk og snus.

Opphaldstid

Barna kan ikkje opphalde seg i barnehagen i meir enn 9 timar pr. dag sjølv om barnehagen har lengre opningstid. Du kan altså ikkje bringe barnet i barnehagen kl 07.00 og hente kl 16.30.

Om barnet vert henta for seint, dvs etter stengetid får dykk ei bot på kr 200,-. **Berekn tid til påkledning, personalet skal kunne låse døra kl 16.30.**

Kontaktinformasjon til foreldre

Foreldre må passe på at barnehagen har oppdatert e-postadresse, telefonnummer på arbeid, heim og mobil . Vi må også ha telefonnummer til ein kontaktperson dersom vi ikkje når foreldra eller dersom foreldra er vekke. Dette legg dykk i appen «min barnehage».

Beredskapsplanar

Barnehagen har eit førebyggjande tiltak som skal ivareta tryggleiken ute og inne, og ein beredskapsplan om det skulle oppstå ei skade eller ulykke. Dersom eit barn skadar seg, ringer vi foreldre samtidig som vi kontaktar lege.

Kjøp av dagar

Dersom du ikkje har full plass til barnet ditt er det mogleg å kjøpe timar i barnehagen. Ein time kostar kr 40,-

For at dette skal være mogleg må det enten være ledig plass på avdelinga, eller det må være fråvær frå eit anna barn.

Ev. kjøp av dagar avtalast med pedagogisk leiar på førehand. Timekjøp blir fakturert i påfølgande terminbetaling.

Sommarferie

Kommunestyret har gjort vedtak om sommarstengte barnehagar. Alle dei kommunale barnehagane er stengt dei tre siste vekene i juli og første veka i august (veke 28-31). Barnehagen har som oftast planleggingsdagar dei to første dagane etter sommarferien. Desse dagane er barnehagen stengt. Ordinær opning vert derfor vanlegvis onsdag i veke 32. Nye barn får eigne tilvenningstider og må føl desse.



Feriar elles

I jul- og påskeferie vil det være tilbod i eigen barnehage. Det vil bli sendt ut ein digital undersøking om barna skal være i barnehagen eller ikkje i det aktuelle tidsrommet. Undersøkinga er bindande då vi set opp personale på jobb etter kor mange barn som skal nytte tilbodet.

Det er og fint om dykk kan gje beskjed dersom barna tek fri i haust- og vinterferien, samt «inneklemt dagar». Kan enkelt leggast inn i appen.

Planleggingsdagar

Barnehagen har fem planleggingsdagar gjennom året. Desse er datofesta og vert opplyst om i årsplanen til Tomrefjord barnehage. Barnehagen er stengt desse dagane.

Fødselsdagar

For oss er det viktig at bursdagsbarnet står i fokus denne dagen! Når barna har bursdag får dei være med å lage krone, vi heng opp flagget, vi syng bursdagsong og lagar ein fin dag for bursdagsbarnet.

Vi ber om at de ikkje levera ut bursdagsinvitasjonar i barnehagen så sant de ikkje invitera heile avdelinga!

Høgtider

Vi markera dei kristne høgtidene jul og påske. Variasjon o om dette vert gjort i barnehagen, i kyrkja eller i Tomrefjord Kristne forsamlingshus. Om det skulle bli besøk i kyrkja, har de moglegheit til å reservere dykk mot dette. Da får barnet eit alternativt opplegg i barnehagen. Vi kan og markere andre religionar si høgtid etter barn og føresette sine ønsker.

VISJON

”Kvart augneblink tel”. Alle møte mellom menneske i kvardagen tel. Det gjeld møter mellom barn, møte mellom barn og vaksne og møtet vaksne imellom. Alle dei møta er med på å skape oss som menneske.

Pedagogisk grunnsyn

Menneskesyn – vi ønsker å formidle ei anerkjennande haldning overfor barn og vaksne. Det vil sei at vi har eit menneskesyn der vi ser på alle som like mykje verd og at alle har krav på å verte respektert.



SAMARBEID

Barnehagen skal gi barn under opplæringspliktig alder gode utviklings- og aktivitetsmoglegheiter i nær forståing og samarbeid med barna sin heim (barnehagelova § 1)

Foreldra er våre viktigaste samarbeidspartnarar. Vi ønskjer eit nært og opent samarbeid med foreldra slik at vi sikrar at barna blir best mogleg tatt vare på. Dette gjeld ikkje berre kring det enkelte barn, men også avdelinga som gruppe.

Det skal være lav terskel for å ta kontakt og vi ønskjer at de skal få best mogleg informasjon om barnet ditt. Vi vektlegg å være opne og synes det er viktig med gjensidig informasjon. Henvendingar som gjeld enkeltbarn gjer vi alltid i samråd med foreldra til dei barna det gjeld.

Foreldresamtalar

Alle får tilbod om samtale to gongar pr. barnehageår. Ein om hausten og ein om våren, Det er frivillig å møte om hausten (obligatorisk for nye barn), men obligatorisk for alle om våren. Det er i hovudsak pedagogisk leiar/barnehagelærar som gjennomfører samtalen. Ein kan sjølvsagt når som helst be om samtalar utanom om dette.

Foreldremøter

De får invitasjon til foreldremøte/foreldrerådsmøte ein til to gongar pr. år.

Foreldrerådet er alle foreldra i barnehagen.

Vi held det første foreldremøte i august/september. Der har vi og eit eige foreldremøte for dei barna som skal begynne på skulen neste haust.

Samarbeidsutvalet

Samarbeidsutvalet er eit samarbeidsorgan for foreldre, personale og barnehagens eigar, som er Vestnes kommune.

Samarbeidsutvalet behandlar saker som vedkjem barnehagens alminnelege drift.

Samarbeidsutvalet skal og fastsette ein årsplan for barnehagen og ta opp saker som er viktig for barnehagen, foreldre og barn.

Andre samarbeidsorgan

Barn kan av ulike orsakar har behov for ekstra støtte å oppfølging i kortare, eller lengre periodar. Tverrfagleg samarbeid er derfor ein naturleg del av barnehagekvardagen. Tverrfagleg samarbeid omhandlar mellom ann at ulike fagmiljø ilag skal finne dei beste løysingane for barnet, barnehagen og heimen. Barnets behov skal alltid vere utgangspunkt og uansett samarbeidsinstans er målet at kontakt skal vere i samråd med foreldre Døme på aktuelle samarbeidspartnarar er:

- [Pedagogisk Psykologisk teneste](#) (PPT): PPT skal hjelpe barnehagen og skulen slik at dei kan gje barn og elevar tilfredsstillande utbytte av tilbodet. PPT skal bistå barnehagen i arbeidet med kompetanse- og organisasjonsutvikling for å tilrettelegge tilbodet for barn med særlege behov. Med PPT har me mellom andre faste møtepunkt gjennom året der pedagogiske leiar/heim kan diskutere saker både anonymt men også med namn om dette er avklart med heimen.
 - [Tverrfagleg Team](#): Inn til Tverrfagleg Team kan både heim og barnehage melde inn saker. I Tverrfagleg Team sitt det faste representantar frå helsestasjon, PPT og barnevern som skal sikre ei brei kompetanse inn i teamet. Teamet kan tilby råd og rettleiing knytt til både utvikling, fysisk/psykisk helse, familieliv og barnehagetilbod.
 - [Helsestasjon](#): Både barnehage og helsestasjon kan ta kontakt med kvarandre når det gjeld oppfølging av barn, men også ved behov for rettleiing i aktuelle tema/problemstillingar. Det er også naturleg for helsestasjon å ta kontakt med barnehage i etterkant av helsekontrollar om dei t.d. har behov for utfyllande informasjon ang. barnets utvikling i barnehage. Samtykke for deling av informasjon mellom barnehage og helsestasjon ligg i foreldreappen.
 - [Barnevern](#): Barneverntenesta er også ein nær samarbeidspart for barnehage. Barnevern har ei brei kunnskap om barns helse og utvikling og har som hovudmål å sikre at barn som lever under forhold som kan skade deira helse og utvikling, får rett hjelp til rett tid. Det også derfor dei sitt med fast repr. inn i Tverrfagleg Team. Me arbeidar aktivt for å gjere barnevern «ufarleg» som hjelpeinstans. Kontakt med barnevern er ikkje einstyddande med at du ikkje er skikka til å vere forelder eller at barnet skal bli tatt ut av heimen. For barnehagen er barnevernet ein rådgjevande instans i tilfelle der barnehagen treng råd og rettleiing. Dette kan vere kring ulike tema/problemstillingar, men også i forkant av ei ev. bekymringsmelding. For heimen er også barnevernet ein rådgjevande instans som kan rettleie foreldre der dei har behov for dette. I tillegg kan barnevern sette inn hjelpetiltak i form av støttekontakt, avlastning for foreldre, besøksheim, økonomisk hjelp m.m.

TILSYN

Vestnes kommune som barnehagemyndigheit skal føre tilsyn med alle barnehagar i kommunen etter §§ 8 og 16 i Lov 17. juni 2005 nr. 64 om barnehagar.

I Vestnes kommune er gjennomføringa av tilsyn delegert til administrasjonssjefen v/kommunalsjef for oppvekst. Tilsynsansvarleg gjennomfører tilsynet saman med barnehagekonsulenten.

Tilsyn med barnehagane er ei kontinuerleg oppgåve. For å sikre kontinuitet, systematikk og gode rutinar i tilsynsarbeidet er det nødvendig at kommunen har ein plan for tilsynet. Planen skal vere kjent for barnehageeigarane, tilsette og foreldre.

Viser til planen: "Plan for tilsyn med barnehagane i Vestnes kommune"

Avvik som kjem fram i tilsyn med barnehagane kan bli meldt til kommunestyret via driftsrapport.

Lykke til som barnehageforeldre!

